

ÞITT NAFN  
BJARGAR

LÍFI

JANNA JIHAD,  
HIN HERNUMDU SVÆÐI PALESTÍNU

# HÓTAÐ LÍFLÁTI FYRIR AÐ AFHJÚPA OFBELDI ÍSRAELSKA HERSINS

# PITT NAFN BJARGAR LÍFI Í 20 ÁR

Samstaða fólks getur náð fram mögnuðum samfélagsumbótum og réttlæti.

Fyrir 20 árum skipulagði lítill hópur aðgerðasinna Amnesty International í Póllandi sólarhrings bréfamarþon. Næstu árin fylgdu aðgerðahópar í fleiri löndum í kjölfarið. Og í dag er **PITT NAFN BJARGAR LÍFI** stærsti mannréttindaviðburður í heimi.

Árið 2001 voru 2.326 bréf skrifuð. Árið 2020 voru bréfin, tístin og undirskriftir ákalla orðin 4,5 milljón! Fólk hvaðanæva úr heiminum hefur sameinast um þá hugmynd að samstaða sé möguleg þrátt fyrir fjarlægðir. Þessi samtakamáttur hefur komið á raunverulegum breytingum í lífi fleiri en 100 þolenda mannréttindabrota, frelsað þá frá pyndingum, ofsóknum eða óréttlátri fangavist.

Í ár beinir herferð Amnesty International **PITT NAFN BJARGAR LÍFI** sjónum að einstaklingum sem sætt hafa mannréttindabrotum fyrir friðsamlegt aðgerðastarf eða sýn sína á lífið. Málin snúa til dæmis að hinsegin aðgerðasinnum, umhverfissinnum og friðsamlegum mótmælendum. Einstaklingarnir sem um ræðir hafa ýmist sætt ofbeldi, skotárásur, fangelsisvist, ofsóknum eða hótunum. **PITT NAFN BJARGAR LÍFI** verður til þess að þessir þolendur mannréttindabrota fá stuðningskeðjur í þúsundtali frá fólki frá fjarlægum heimshornum. Þolendurnir og fjölskyldur þeirra finna að mál þeirra er ekki gleymt þar sem vakinn er opinber athygli á málunum víða um heim.



Frá **PITT NAFN BJARGAR LÍFI** í Tævan, 2020.

Til viðbótar við bréfaskrifin þrýstir Amnesty International á þá sem hafa völd til breytinga, eins og til dæmis stjórnaráðgjafir í viðkomandi landi. **PITT NAFN BJARGAR LÍFI** varpar einnig ljósi á óréttlæti í máli þessara einstaklinga með ýmsum viðburðum og nær heimsathygli í gegnum samfélagsmiðla.

Fólkið sem sjónum hefur verið beint að fyrri ár hefur lýst yfir þakklæti til þeirra sem hafa gripið til aðgerða og greinir frá styrknum sem það fann frá öllum þeim sem létu sig mál þess varða.

Oft er hægt að sjá verulegar breytingar á framkomu yfirvalda í garð þolenda mannréttindabrota í kjölfar herferðarinnar: ákærur eru felldar niður, fólk leyst úr haldi, meðferð er mannúðlegri og lög eða reglugerðir sem taka á óréttlætinu eru kynnt til sögunnar.

■ Kynntu þér málin í ár á:  
[www.amnesty.is](http://www.amnesty.is)

■ Hafðu samband fyrir frekari upplýsingar:  
[amnesty@amnesty.is](mailto:amnesty@amnesty.is)

■ Tístu og taggaðu  
[@Amnesty](https://twitter.com/Amnesty) á Twitter og sýndu stuðning með myllumerkjum **#W4R21** og **#PITTNAFN**

## ÁÐUR EN ÞÚ BYRJAR

Hægt er að nota þetta verkefni í fjölbreyttu umhverfi fyrir ýmsa hópa, t.d. í skólastofunni, félagsmiðstöðvum, með fjölskyldunni, í hópi baráttufólks fyrir mannréttindum og á netinu. Leiðbeinendur geta aðlagð efnið eftir þörfum og kringumstæðum hvers hóps. Sem dæmi gæti verið gagnlegt að kanna þekkingu þátttakenda á málefnum, huga að hvað henti best miðað við fjölda þátttakenda svo allir fái tækifæri til að vera virkir þátttakendur og mögulegum hindrunum. Þegar þátttakendur grípa til aðgerða er mikilvægt að ræða hvort það sé öruggt fyrir hvern og einn og þá af hverju eða af hverju ekki.

Verkefnin eru öll ætluð virkri þátttöku þátttakenda sem kanna, ræða, greina og spyrja spurninga um málefni en eru ekki einungis mataðir á upplýsingum. Þessi aðferðafræði er kennslufræðilega mikilvæg þar sem þátttakendur:

**ÞRÓA** lykilfærni og -hæfni

**FÁ TÆKIFÆRI** til að mynda eigin skoðun, bera upp spurningar og öðlast dýpri skilning á málefnum

**TAKA ÁBYRGÐ** á sínu námi og móta umræður í tengslum við áhugasvið, hæfni og áhyggjuefni

**FÁ RÝMI** fyrir tilfinningar sínar og að móta sín eigin viðhorf

■ Amnesty International býður upp á fjölda netnámskeiða um mannréttindi á hinum ýmsu tungumálum (m.a. nokkur námskeið á íslensku) á [www.academy.amnesty.org](http://www.academy.amnesty.org). Þar er að finna örnámskeið á ensku um baráttufólk fyrir mannréttindum sem kynnir herferðina **PITT NAFN BJARGAR LÍFI**.

## GÓÐAR FRÉTTIR ÚR PITT NAFN BJARGAR LÍFI 2020

### ÞÍN ÞÁTTTAKA SKIPTIR MÁLI



#### BARÁTTUKONA LAUS ÚR HALDI Í SÁDI-ARABÍU

Nassima al-Sada, baráttukona fyrir frelsi kvenna, var handtekin og fangelsuð árið 2018 fyrir friðsamlega mannréttindabaráttu. Í fangelsinu var hún barin af fangelsisvörðum og fékk engar heimsóknir, ekki einu sinni frá lögfræðingi sínum. Nassima var frjáls á ný í júní 2021, þökk sé stuðningi 777.611 einstaklinga víðs vegar að úr heiminum. Hún er nú komin í faðm fjölskyldu og vina á ný.

#### ÞRIGGJA BARNA FAÐIR MUN BRÁTT SAMEINAST FJÖLSKYLDU SINNI Á NÝ

Í apríl 2018 var Germain Rukuki, starfsmaður frjálsra félagasamtaka og baráttumaður fyrir mannréttindum í Búrúndí, fundinn sekur á grundvelli fjölda upploginna sakargifta og dæmdur í 32 ára fangelsi. Hann var fangelsaður áður en hann fékk tækifæri til að halda á yngsta barni sínu, sem fæddist stuttu eftir að hann var handtekinn. Fjölskylda hans flúði Búrúndí af ötta við hefndarárásir. Germain fékk loks frelsi hinn 30. júní 2021 og mun brátt sameinast fjölskyldu sinni á ný, þökk sé ríflega 430.000 einstaklingum sem gripu til aðgerða og kölluðu eftir lausn hans.



© Private



#### FRAMFARASKREF FYRIR RÉTTLÆTI Í SUÐUR-AFRÍKU

Vinkonurnar Popi Qwabe og Bongeka Phungula voru myrtar þegar þær fóru út á lífið í maí 2017. Þar til nýlega höfðu fjölskyldur þeirra haft áhyggjur af vanköntum og töfum á lögreglurannsókn í máli þeirra. Í mars 2021 var málið tekið upp á ný af lögreglunni í kjölfar þess að 341.106 undirskriftir bárust til stuðnings málinu frá fólki um heim allan. Lögreglan hefur lokið rannsókn sinni og sent málið áfram til skrifstofu ríkissaksóknara.

„Ég er bjartsýn. Mér finnst loksins eins og eitthvað muni breytast,“ segir Thembeihle, systir Popi.

© Private



## UM MANNRÉTTINDI

Mannréttindi eru grundvallarréttindi og réttarvernd sem hvert og eitt okkar á tilkall til. Mannréttindi byggjast á meginreglum um mannlega reisn, jafnrétti og gagnkvæma virðingu óháð aldri, þjóðerni, kyni, kynþætti, lífsskoðunum og persónulegri afstöðu.

Sem manneskja átt þú rétt á að komið sé fram við þig á sanngjarnan hátt og þér ber einnig að koma fram við aðra af sanngirni. Þú átt einnig rétt á ákvarðanatöku um eigið líf. Þessi grundvallarmannréttindi eru algild – þau eru réttur okkar allra, allra sem heiminn byggja. Þau eru óafsalanleg – enginn getur tekið þau frá okkur. Þau eru líka óskiptanleg og tengjast innbyrðis – allir þættir hafa jafnmikið vægi og eru tengdir hver öðrum.

Í kjölfar þeirra grimmdarverka sem framin voru í seinni heimsstyrjöldinni urðu til alþjóðleg lög um mannréttindi, á grundvelli Mannréttindayfirlýsingar Sameinuðu þjóðanna. Þau hafa myndað trausta undirstöðu fyrir landsbundin og svæðisbundin lög og er ætlað að bæta líf fólks um heim allan. Yfirvöldum á hverjum stað ber að líta á mannréttindi sem gildandi lög. Þau leggja yfirvöldum og ríkisstarfsfólki þær skyldur á herðar að virða og verja rétt þeirra sem undir lögsagnarumdæmi þeirra heyra, sem og á öðrum svæðum.

Mannréttindi eru ekki munaður sem fólk fær aðeins að njóta þegar aðstæður leyfa.



Frá **PITT NAFN BJARGAR LÍFI** í Benín, 2020.



## MANNRÉTTINDAYFIRLÝSING SAMEINUÐU ÞJÓÐANNA

Mannréttindayfirlýsing Sameinuðu þjóðanna var mótuð af Sameinuðu þjóðunum á fyrstu árum stofnunarinnar, strax í kjölfar seinni heimsstyrjaldarinnar. Frá árinu 1948 hefur hún verið grundvöllur alþjóðareglna um mannréttindi. Öll ríki heims hafa samþykkt að þau skuli vera bundin af þeim almennu meginreglum sem lýst er í 30 greinum þessa skjals.

Mannréttindayfirlýsing Sameinuðu þjóðanna er, eins og nafnið gefur til kynna, yfirlýsing. Hún er viljayfirlýsing af hálfu allra ríkisstjórna, um heim allan, um að virða tiltekna reglur og staðla er varða meðferð á og framkomu við mann- eskjur. Mannréttindi eru hluti af alþjóðalögum. Allt frá því að Mannréttindayfirlýsing Sameinuðu þjóðanna var samþykkt hafa fjölmörg önnur bindandi lög og samþykktir verið gerð á grundvelli þeirra meginreglna sem í yfirlýsingunni er að finna. Það er á grundvelli slíkra laga og samþykktu sem samtök á borð við Amnesty International krefja yfirvöld um að hætta að beita illri meðferð af þeim toga sem þolendur í herferðinni **PITT NAFN BJARGAR LÍFI** hafa upplifað.

# MANNRÉTTINDAYFIRLÝSING SAMEINUÐU ÞJÓÐANNA



## BORGARARÉTTINDI OG FRELSI

Réttur til lífs, frelsi frá pyndingum og þrældómi, réttur á að sæta ekki mismunun.

1. grein Allir eru fæddir frjálsir og jafnir
2. grein Bann við mismunun
3. grein Réttur til lífs, frelsis og mannhelgi einstaklinga
4. grein Frelsi frá þrældómi
5. grein Frelsi frá pyndingum



## LAGALEGUR RÉTTUR

Réttur til að teljast saklaus uns sekt er sönnuð; réttur til réttlátrar málsmeðferðar fyrir dómi, réttur til að njóta frelsis frá geðþóttahandtökum eða farbanni.

6. grein Allir skulu njóta verndar með lögum
7. grein Allir skulu vera jafnir fyrir lögum
8. grein Lagaleg úrræði þegar mannréttindi eru brotin
9. grein Bann við ólögmetu farbanni, fangelsun eða brottvísun
10. grein Réttur til réttlátrar málsmeðferðar fyrir dómi
11. grein Saklaus uns sekt er sönnuð
14. grein Réttur til að fara til annars lands og leita verndar



## FÉLAGSLEG RÉTTINDI

Réttur til menntunar, til að stofna fjölskyldu og annast hana, til tómstundar, réttur á heilsugæslu.

12. grein Réttur til einkalífs, heimilis og fjölskyldulífs
13. grein Frelsi til að búa og ferðast hindrunarlaust innan landamæra ríkja
16. grein Réttur til að ganga í hjónaband og stofna fjölskyldu
24. grein Réttur til að njóta hvíldar og afþreyingar
26. grein Réttur til menntunar, þar með talinn réttur til gjaldfrjálsrar grunnmenntunar



## EFNAHAGSLEG RÉTTINDI

Eignarréttur, réttur til að vinna, til húsnæðis, til lífeyris, til fullnægjandi líf skjara.

15. grein Réttur til ríkisfangs
17. grein Réttur til að eiga eignir
22. grein Réttur á félagslegu öryggi
23. grein Réttur til að vinna fyrir sanngjörnum launum og ganga í stéttarfélag
25. grein Réttur til líf skjara sem tryggja heilsu og velferð



## STJÓRN MÁLALEG RÉTTINDI

Réttur til að taka þátt í stjórn lands síns, greiða atkvæði, koma saman með friðsömum hætti, frelsi til tjáningar, lífsskoðunar og trúarskoðunar.


18. grein Réttur til lífsskoðunar (þar með talin trúarskoðun)
19. grein Tjáningarfrelsi og réttur til að miðla upplýsingum
20. grein Frelsi til að ganga í félagasamtök og halda fundi með friðsömum hætti
21. grein Réttur til að taka þátt í stjórn lands síns



## MENNINGARLEG RÉTTINDI, RÉTTINDI TIL SAMSTÖÐU

Réttur til þess að taka þátt í menningarlífi samfélagsins.

27. grein Réttur til þess að taka frjálsan þátt í menningarlífi samfélagsins
28. grein Réttur til alþjóðaskipulags þar sem öll ofangreind réttindi eru framkvæmd
29. grein Skylda til að virða réttindi annarra
30. grein Ekki má svipta neinn neinum þessara réttinda



## VERKEFNI

## RÉTTINDI BARNA

## LYKILHUGTÖK

- Réttindi barna
- Mannréttindi

## UM ÞETTA VERKEFNI

Í þessu verkefni eru réttindi barna og mikilvægi þeirra skoðuð í gegnum sögu Jönnu Jihad, 15 ára gamallar stúlku frá Palestínu. Í síðari hluta verkefnisins fá þátttakendur tækifæri til að skrifa mótmælalibréif vegna máls Jönnu og veita henni stuðning í verki.

## MARKMIÐ

- Að þátttakendur öðlist skilning á því að réttindi barna eru mannréttindi
- Að þátttakendur skilji mikilvægi réttinda barna í sínu eigin lífi sem og lífi palestínskra barna
- Að þátttakendur finni til samkenndar með börnum í Palestínu sem sæta mannréttindabrotum og njóta ekki verndar
- Að þátttakendur kynnist herferðinni **PITT NAFN BJARGAR LÍFI**
- Að þátttakendur skrifi stuðningskveðju til Jönnu Jihad og sýni henni samstöðu

## ALDUR

12+

## LENGD

60 mínútur

## HJÁLPARGÖGN

- Dreifiefni: *Greinaspjöld úr Barnasáttmála Sameinuðu þjóðanna* (bls. 13)
- Dreifiefni: *Daglegar athafnir* (bls. 14)
- Dreifiefni: *Saga Jönnu Jihad* (bls. 15)
- Dreifiefni: *Einfölduð útgáfa af Mannréttindayfirlýsingu Sameinuðu þjóðanna* (bls. 5)
- Dreifiefni: *Réttindi barna – samantekt* (bls. 10–11)
- Dreifiefni: *Tillaga að bréfi til stjórnvalda* (bls. 15)
- Ítarefni: *Bakgrunnsupplýsingar um hin hernumdu svæði Palestínu* (bls. 12)

## UNDIRBÚNINGUR

- Eintök af dreifiefni eru prentuð út fyrir þátttakendur
- Leiðbeinandi kynni sér réttindi barna enn frekar með því að taka örnámskeið Amnesty International (<https://academy.amnesty.org/learn/course/external/view/elearning/221/an-introduction-to-child-rights>)

## ATHUGIÐ!

Það er mikilvægt að hafa í huga að í þessu verkefni er fjallað um raunverulegt mál barns á hinum hernumdu svæðum Palestínu sem sætt hefur ofbeldi. Það gæti haft misjöfn áhrif á þátttakendur. Gott er að spjalla um líðan þeirra meðan á verkefninu stendur og jafnvel eftir að því er lokið.

## 1. PÖRUN – RÉTTINDI OG DAGLEGAR ATHAFNIR

Í upphafi eru þátttakendur spurðir hvort þeir þekki mannréttindi og ef svarið er já þá hvaða réttindi.


Næst er farið yfir mannréttindi og Mannréttindayfirlýsingu Sameinuðu þjóðanna með upplýsingarnar sem finna má á bls. 4.

Útskýrt er fyrir þátttakendum að markmið Mannréttindayfirlýsingar Sameinuðu þjóðanna er að vernda réttindi okkar allra, þar á meðal barna. Hins vegar eru einnig til sértæk réttindi barna. Réttindi barna eru mannréttindi þar sem áhersla er lögð á vernd barna og ungs fólks frá fæðingu fram til 18 ára aldurs. Réttindin eiga að vernda börn, hjálpa þeim að þroskast og styðja við rétt þeirra til að hafa skoðun. Það er jákvætt að til séu sérstök réttindi barna og þeirra markmið er að vernda og virða réttindi barna alls staðar í heiminum.

Litlir hópar eru myndaðir og greinaspjöldum um réttindi barna ásamt spjöldum um daglegar athafnir dreift til allra hópa. Útskýrt er fyrir þátttakendum að fleiri en 40 réttindi séu til er varða börn en hér verði einungis unnið með nokkur þeirra.

Hóparnir eru beðnir að para saman greinaspjöld og daglegar athafnir.





Allir hóparnir koma saman og ræða niðurstöður úr hverjum hóp fyrir sig. Hér að neðan má sjá hvernig spjöldin geta verið pörðu saman en það eru fleiri en ein möguleg pörun fyrir sum réttindin:

- Grein 6:** Ég get farið um bæinn minn frjáls og án þess að óttast um líf mitt.  
**Grein 13:** Ég nota samfélagsmiðla og segi mínar skoðanir á hinum ýmsu mállefnum.  
**Grein 14:** Ég get deilt lífsskoðunum mínum frjálsslega.  
**Grein 15:** Ég get tekið þátt í friðsamlegum mótmælum um málefni sem eru mér mikilvæg.  
**Grein 16:** Ég þarf ekki að deila mínu einkalífi með kennara mínum.  
**Grein 24:** Ég get leitað til læknis þegar ég veikist.  
**Grein 27:** Ég á öruggt heimili.  
**Grein 28:** Ég get farið í skóla og lært.  
**Grein 31:** Ég leik mér við vini mína.

Þátttakendur eru beðnir að finna fern réttindi af greinaspjöldunum sem þau hafa notið í dag.

Næst eru ein réttindi af greinaspjöldunum fjarlægð og þátttakendur ræða eftirfarandi um þau:

- Hvernig hefði dagurinn í dag verið öðruvísi ef þú hefðir ekki getað notið þessara réttinda?
- Hvernig væri líf þitt öðruvísi ef þú fengir aldrei að njóta þessara réttinda?
- Þegar þessi réttindi eru fjarlægð (þér neitað um þau), hvernig hefur það áhrif á önnur réttindi sem þú nýtur? T.d. ef mér er neitað um ferðafrelsi þá kemst ég ekki í skólann.

Það er mikilvægt að útskýrt sé fyrir þátttakendum að grundvallarreglur um mannréttindi eigi einnig við um réttindi barna. Mannréttindi snúast um að komið sé fram við þig af sanngirni og einnig að þú komir fram við aðra af sanngirni ásamt því að taka ákvarðanir um eigið líf. Mannréttindi eru algild, þ.e. þau tilheyra okkur öllum. Mannréttindi eru óafsalanleg, þ.e. það má ekki taka þau frá okkur. Mannréttindi eru ódeilanleg og samtvinnuð, þ.e. þau eru öll jafn mikilvæg og hafa áhrif hver á önnur.

Næst er útskýrt að það sé skylda stjórnvalda að vernda, tryggja og virða réttindi barna. Hins vegar eru börn í heiminum sem sæta mannréttindabrotum af hálfu stjórnvalda. Þetta verkefni skoðar aðstæður barna á hinum hernumdu svæðum Palestínu í gegnum sögu Jönnu, stúlku sem hefur verið að fjalla um líf palestínskra barna til að deila með öllum heiminum.

Í lok þessa hluta verkefnisins er eftirfarandi tilvitnun lesin fyrir þátttakendur:

**„Ég hóf feril minn sem blaðamaður þegar ég var sjö ára gömul en þá rann upp fyrir mér að heimurinn vissi ekki af þeim aðstæðum sem palestínsk börn búa við vegna hernáms Ísraelshers. Fullt af fólki vissi ekki að brotið er á barnæsku okkar daglega vegna hernáms Ísraelshers.“**





## 2. SAGA JÖNNU JIHAD

15 MÍNÚTUR

Málefni Palestínu eru kynnt þátttakendum með vísan í ítarefnið *Bakgrunnsupplýsingar um hin hernumdu svæði Palestínu*.

Litlir hópar eru myndaðir. Dreifiefninu Saga Jönnu Jihad er dreift til allra hópa. Hver hópur fær síðan annaðhvort eintak af einfaldaðri útgáfu Mannréttindayfirlýsingar Sameinuðu þjóðanna EDA Réttindi barna – samantekt.

- Hvað kemur þér á óvart í sögu Jönnu?
- Hvaða mannréttindabrotum (og brotum á réttindum barna) sæta Janna og önnur börn í hennar þorpi?
- Hvaða áhrif hefur það á Jönnu og önnur börn í þorpinu að stjórnvöld hvorki virða né vernda réttindi barna?
- Hvernig heldurðu að börnunum líði?
- Hvernig líður þér við að heyra þessa frásögn um Jönnu?

## 3. RÉTTINDI BARNA FYRIR ÖLL BÖRN

15 MÍNÚTUR

Nú kemur allur hópurinn saman aftur til að deila sínum svörum við spurningunum.

Næst eru tilgreind og skrifuð á töflu þau mannréttindabrot sem Janna og önnur börn á hinum hernumdu svæðum Palestínu sæta af hálfu ísraelskra stjórnvalda.

Útskýrt er fyrir þátttakendum að Ísrael hefur fullgilt Barnasáttmála Sameinuðu þjóðanna til verndar ísraelskum börnum en veitir ekki börnum á hinum hernumdu svæðum Palestínu þá vernd sem getið er um í sáttmálanum. Þetta leiðir til mismununar gegn palestínskum börnum.

Allur hópurinn veltir fyrir sér eftirfarandi spurningum:

- Hvernig heldurðu að palestínskum börnum líði vitandi að þau sæta mismunun og að mannréttindi þeirra eru brotin?
- Hvað finnst þér um þessa mismunun?
- Hvað lærðirðu af sögu Jönnu um hvernig þú getur varið þín eigin réttindi?

Janna sýnir ótrúlegan styrk og hugrekki í veruleika þar sem það eitt að krefjast jafnréttis er glæpsamlegt. Útskýrt er að sem barn og aðgerðasinni á Janna á hættu að sæta líkamlegu ofbeldi, pyndingum og annarri illri meðferð, hóprefsingu (þegar t.d. fjölskylda eða hópur líður fyrir meintar gjörðir sakbornings) og refsingu í herrétti. Réttur hennar til að tjá sig frjálsslega, taka þátt í friðsamlegum samkomum eða mótmælum og réttur hennar til menntunar er stöðugt í hættu.

Þátttakendur eru beðnir að skrifa og/eða teikna stuðningskveðjur til Jönnu og annarra palestínskra barna.



© Tanya Habjouqua/NOOR





## 4. GRÍPUM TIL AÐGERÐA FYRIR JÖNNU



Þátttakendum er sagt frá herferð Amnesty International **PITT NAFN BJARGAR LÍFI** og að samtökin biðli nú til fólks um heim allan að grípa til aðgerða til stuðnings Jönnu Jihad. Það er ef til vill gagnlegt að segja frá góðum fréttum fyrri ára og hversu áhrifaríkt það getur verið að skrifa bréf og grípa til annarra aðgerða í þágu mannréttinda.

Ef ekki reynist nægur tími fyrir þátttakendur að grípa til aðgerða í kennslustundinni eru þeir hvattir til að gera það utan kennslu og leyfa sér að vera skapandi.

- Það er tilvalið að sýna stutt myndband um **PITT NAFN BJARGAR LÍFI** sem hægt er að nálgast á youtube-síðu Íslandsdeildar Amnesty International (Amnestylceland).
- Það er einnig tilvalið að sýna stutt myndband um Jönnu á youtube-síðu Íslandsdeildar Amnesty International (Amnestylceland).

### SKRIFAÐU BRÉF OG BJARGAÐU LÍFI

Útskýrt er að oft eru það persónuleg bréf sem hafa mestu áhrifin. Hægt er að nýta neðangreindar leiðbeiningar ef þátttakendur vilja skrifa sitt eigið bréf en einnig er hægt að nýta tillögu að bréfi sem finna má á bls. 15:

- Segðu aðeins frá sjálfri/um/u þér
- Segðu honum hvað þér bregður mest við að heyra varðandi málið
- Krefstu þess að ísraelsk stjórnvöld veiti Jönnu vernd gegn mismunun og ofbeldi ásamt því að önnur palestínsk börn njóti verndar samkvæmt Barnasáttmála Sameinuðu þjóðanna

Þátttakendur geta nýtt tillögu að bréfi til stjórnvalda sem finna má á bls. 16.

Chair, Committee for the Rights of the Child,  
The Knesset,  
Committee for the Rights of the Child,  
Kiryat Ben Gurion,  
Jerusalem,  
Israel 9195016.

Salutation: Dear Knesset Member

Email: [v\\_yeled@knesset.gov.il](mailto:v_yeled@knesset.gov.il)

### SÝNUM SAMSTÖÐU

Þátttakendur eru hvattir til að sýna Jönnu Jihad samstöðu og vinskapi með því að skrifa henni stuðningskveðju eða nota teikningar úr 3. hluta. Hægt er að taka mynd af teikningunum og senda Jönnu í facebook-skilaboðum eða deila þeim á facebook-vegginn hennar.

Einnig er hægt að setja myndirnar í umslag og Íslandsdeild Amnesty International mun koma þeim áleiðis til Jönnu.

Amnesty International,  
6 Ibn Jubair Street,  
Sheikh Jarrah,  
PO BOX 42626,  
Jerusalem,  
Israel.

Facebook: [www.facebook.com/Janna.Jihad](https://www.facebook.com/Janna.Jihad)

## DREIFIEFNI

## RÉTTINDI BARNNA – SAMANTEKT



Barn er einstaklingur undir 18 ára aldri.



Öll börn eru jöfn.

Öll börn eiga að njóta allra réttinda Barnasáttmálans án tillits til hver þau eru, hvar þau búa, hvaða tungumál þau tala, á hvað þau trúá, hvernig þau hugsa og líta út, af hvaða kyni þau eru, hvort þau eru fötluð, rík eða fátæk og án tillits til þess hvað fjölskylda þeirra gerir eða trúir á.

Aldrei skal koma fram við barn af óréttlæti.



Það sem barninu er fyrir bestu.

Þegar fullorðnir taka ákvarðanir eiga þeir að hugsa um hvaða áhrif þær hafa á börn og gera það sem er best fyrir þau. Stjórnvöld eiga að tryggja að foreldrar verndi börn sín og gæti þeirra eða aðrir í þeirra stað þegar þörf er á. Stjórnvöld eiga að sjá til þess að fólk sem ábyrgt er fyrir börnum hafi hagsmuni þeirra alltaf að leiðarljósi og staðir sem ætlaðir eru börnum uppfylli einnig þær skyldur.



Réttindi bera að veruleika.

Stjórnvöld þurfa að gera allt sem í þeirra valdi stendur til að sjá til þess að hvert og eitt barn njóti allra réttinda Barnasáttmálans.



Leiðsögn fjölskyldu.

Fjölskyldur bera ábyrgð á að leiðbeina börnum sínum og fræða þau um réttindi sín. Eftir því sem börn verða eldri hafa þau minni þörf fyrir leiðsögn fjölskyldna sinna. Stjórnvöld skulu virða ábyrgð, réttindi og skyldur fjölskyldna.



Líf og þroski.

Öll börn eiga rétt á því að lifa og þroskast og skulu stjórnvöld tryggja það.



Nafn og ríkisfang.

Börn skal skrá við fæðingu og þau eiga rétt á nafni og ríkisfangi – að tilheyra landi. Alltaf þegar hægt er skulu börn þekkja foreldra sína og njóta umönnunar þeirra.



Persónulegt auðkenning.

Börn eiga rétt á sínum eigin auðkennum – sem skráð skulu opinberlega, um hver þau eru, m.a. nafn, þjóðerni og fjölskyldutengsl. Ekki má taka frá börnum auðkenni þeirra og ef það er gert skulu stjórnvöld aðstoða við að bæta úr því.



Tengsl við fjölskyldu.

Ekki skal skilja börn frá foreldrum sínum nema þegar það er nauðsynlegt fyrir öryggi og líðan barna – til dæmis ef foreldri meiðir barn eða hugsar ekki vel um það að öðru leyti. Börn eiga rétt á því að vera í góðum tengslum við báða foreldra sína ef þeir búa ekki saman nema það sé talið skaðlegt fyrir þau.



Tengsl við foreldra í öðrum löndum.

Ef barn býr í öðru landi en foreldrar þess eiga stjórnvöld að leyfa barni og foreldrum að ferðast frjálst svo þau geti haldið sambandi og verið saman.



Vernd gegn brottmáli.

Stjórnvöld eiga að tryggja að ekki sé farið ólöglega með börn úr landi, til dæmis að börnum sé ekki rænt eða þeim haldið erlendis.



Virðing fyrir skoðunum barna.

Börn eiga rétt á því að tjá sig frjáltslega um öll málefni sem hafa áhrif á líf þeirra. Fullorðnir eiga að hlusta og taka

mark á þeim.



Frélsi til að deila hugmyndum sínum.

Börn eiga rétt á því að deila skoðunum sínum, vitneskju og hvernig þeim líður með öðrum með því að tala, teikna eða tjá sig á annan hátt, svo lengi sem það hefur ekki skaðleg áhrif á annað fólk.



Skoðana- og trúfrelsi.

Börn eiga rétt á frjálstri hugsun og að velja sér trúarbrögð og eigin hugmyndir, svo lengi sem það hindrar ekki aðra í að njóta réttinda sinna. Í uppeldi geta foreldrar leiðbeint börnum sínum um hvernig megi nýta þessi réttindi að fullu.



Felagafrelsi.

Börn eiga rétt á því að stofna sín eigin félög og hópa og þau mega hitta vini og félagar, svo lengi sem það

örjóti ekki gegn réttindum annarra.



Persónuvernd og einkalíf.

Öll börn eiga rétt á einkalífi. Lögin eiga að vernda einkalíf barna, fjölskyldur og heimili. Börn eiga líka rétt á því að samskipti þeirra við aðra, orðspor þeirra og fjölskyldna þeirra sé verndað með lögum.



Aðgengi að upplýsingum.

Börn eiga rétt á því að sækja upplýsingar af Internetinu, úr sjónvarpi, útvarpi, tímaritum, bókum og öðrum miðlum. Fullorðnir eiga að gæta þess að upplýsingarnar séu börnum ekki skaðlegar. Stjórnvöld eiga að hvetja útgefendur og fjölmiðla til þess að deila upplýsingum með fjölbreyttum leiðum sem öll börn skilja.



Ábyrgð foreldra.

Foreldrar bera aðalábyrgð á uppeldi barna sinna. Þegar barn á ekki foreldra tekur annað fullorðin fólk við ábyrgðinni á uppeldi barnsins. Þeir sem annast uppeldi eiga að meta og taka tillit til þess sem er barninu fyrir bestu og eiga stjórnvöld að hjálpa og leiðbeina þeim. Þegar barn á tvo foreldra bera þeir almennt báðir ábyrgð á uppeldi barnsins.



Vernd gegn ofbeldi.

Stjórnvöld eiga að vernda börn gegn ofbeldi, misbeitingu og vanrækslu af hendi allra þeirra sem annast þau.



Umönnun utan fjölskyldu.

Barn sem ekki nýtur umönnunar fjölskyldu sinnar á rétt á því að hugsað sé um það af fólk sem ber virðingu fyrir trúarskoðunum þess, menningu, tungumáli og öðru sem varðar líf barnsins.



Ættleidd börn.

Þegar börn eru ættleidd er mikilvægt að það sem er barni fyrir bestu sé haft að leiðarljósi við alla ákvarðanatöku. Ef ekki er hægt að veita barni umönnun og fullnægjandi uppeldisaðstæður í heimalandi þess getur komið til ættleiðingar milli landa.

## DREIFIEFNI

## RÉTTINDI BARNA – SAMANTEKT



22

Börn sem þurfa að flýja heimaland sitt sem flóttamenn eiga rétt á vernd og stuðningi við að nýta sér þau réttindi sem þau eiga samkvæmt Barnasáttmálanum

í nýja landinu.



23

Fötluð börn eiga rétt á því að lifa við aðstæður sem gerir þeim kleift að lifa eins góðu lífi í samfélaginu og vól er á. Stjórnvöld eiga að fjarlægja hindranir svo öll börn geti orðið sjálfstæð og tekið þátt í samfélaginu með virkum hætti.



24

Börn eiga rétt á bestu heilbrigðisþjónustu sem vól er á, hreinu drykkjarvatni, hollum mat og hreinu og öruggu umhverfi. Allir eiga að fá upplýsingar um hvernig sé hægt að lifa öruggu og heilbrigðu lífi.



25

Börn sem hafa verið vistuð utan heimilis, þeim til verndar, umönnunar eða af heilsufarsástæðum, eiga rétt á því að meðferð þeirra og allar aðrar aðstæður séu kannaðar reglulega til þess að ganga úr skugga um að allt gangi vel og að það sé enn best fyrir barnið að vera vistað á viðkomandi stað.



26

Börn sem búa við fátækt eiga rétt á aðstoð. Stjórnvöld skulu tryggja þann rétt með því að útgæfa peninga og annars konar stuðning.



27

Börn eiga rétt á því að fá næringu, fatnað og öruggt heimili svo þau geti þroskast á sem bestan hátt. Stjórnvöld eiga að aðstoða fjölskyldur sem hafa ekki kost á því að veita börnum framangreint.



28

Öll börn eiga rétt á menntun. Grunnmenntun á að vera ókeypis og öll börn eiga að hafa aðgang að framhaldsmenntun. Hvetja á börn til þess að mennta sig. Aldrei má beita barn ofbeldi eða niðurlægja það, svo sem vegna brota á skólareglum.




29

Menntun á að hjálpa börnum að læra að rækta sjálfsmynd sína, hæfileika og færni. Hún á að kenna þeim að þekkja réttindi sín og að virða réttindi annarra, menningu þeirra og fjölbreytileika. Menntun á að hjálpa þeim að lifa fríðsamlega og að vernda náttúruna.



30

Börn eiga rétt á að iðka eigin trú, tala sitt tungumál og viðhalda menningu sinni.



31

Öll börn eiga rétt á hvíld, leik og að taka þátt í menningarlífi.



32

Börn eiga rétt á vernd gegn því að vinna hættuleg störf eða störf sem eru slæm fyrir skólagöngu þeirra, heilsu eða þroska. Ef börn stunda vinnu eiga þau rétt á því að gera það í öryggi og að fá sanngjörn laun fyrir.



33

Stjórnvöld eiga að vernda börn gegn því að nota, búa til, bera á sér eða selja skaðleg vímuefni.



34

Stjórnvöld eiga að vernda börn gegn kynferðisofbeldi, þar með talið að vernda þau fyrir því að vera neydd í vændi, að teknar séu kynferðislegar myndir eða gerð kynferðisleg myndbönd af þeim.



35

Stjórnvöld eiga að tryggja að börn séu ekki numin á brott, seld, eða flutt til annarra landa eða staða til að láta þau vinna og þræla án launa.



36

Stjórnvöldum ber að vernda börn gegn hvers kyns annarri misbeitingu.



37

Börn sem sökuð eru um að brjóta lög má ekki lífáta, pynta, koma grimmilega fram við, fangelsa til lífstíðar eða fangelsa með fullorðnum. Fangelsi skal alltaf vera síðasti valkostur og einungis í stysta mögulega tíma. Börn í fangelsum skulu fá lögfræðiaðstoð og fá að vera í tengslum við fjölskyldu sína.



38

Börn eiga rétt á vernd í stríði. Ekkert barn yngra en 15 ára á að sinna herþjónustu eða taka þátt í stríði.



39

Börn eiga rétt á því að fá hjálp ef þau hafa meiðst eða verið særð, vanrækt, komið hefur verið illa fram við þau eða þau orðið fyrir áhrifum af stríði svo þau nái aftur heilsu og rein.



40

Börn sem sökuð eru um að hafa brotið lög eiga rétt á lögfræðiaðstoð og réttlátri málsmeðferð. Fyrir hendi eiga að vera mörg viðeigandi úrræði og tækifæri til að hjálpa þeim börnum að verða virkir þátttakendur í samfélaginu. Fangelsi skal vera síðasta úrræðið.



41

Ef lög landsins vernda rétt barna betur en Barnasáttmálinn á að styðjast við þau.



42


Stjórnvöld skulu fræða börn og fullorðna um Barnasáttmálan reglulega svo allir þekki réttindi barna.



43-54

Þessar greinar segja frá því hvernig stjórnvöld, Sameinuðu þjóðirnar, Barnaréttarnefnd Sameinuðu þjóðanna og fleiri stofnanir og félög starfa til að tryggja að öll börn njóti sinna réttinda.





## BAKGRUNNSUPPLÝSINGAR

# HIN HERNUMDU SVÆÐI PALESTÍNU

Í kjölfar sex daga stríðsins í júní 1967 (á milli Ísraels annars vegar og Egyptalands, Jórdaníu og Sýrlands hins vegar) hernámu Ísraelar landsvæði Palestínu á vesturbakka Jórdanárinnar og Gaza-svæðinu. Síðan þá hefur Ísrael tekið ólöglega hundruð landsvæða (svokölluð landtökusvæði) á hernumdum svæðum Palestínu á Vesturbakkanum, þar á meðal í Austur-Jerúsalem þar sem hundruð þúsunda Ísraela hafa nú sest að og starfa. Árið 2005 leysti ísraelski herinn upp landtökusvæði gyðinga á Gaza-svæðinu en landtaka er enn við lýði á Vesturbakkanum. Ein helsta orsök fjölda mannréttindabrota í rúmlega 50 ára sögu hernáms Ísraela er ólögleg landtaka á svæðinu.

Mismunun á grundvelli þjóðernis, uppruna og trúar einkennir landtökustefnu Ísraels því landtökubyggðin er einungis ætluð gyðingum.

Heimabær Jönnu, Nabi Saleh, sem er nálægt Ramallah, hefur verið í brennidepli vegna mótmæla og aðgerða gegn landtöku. Landsvæði sem tilheyra þorpinu, þar á meðal vatnsból, hafa verið yfirtekin af nærliggjandi ísraelskri landtökubyggð, Halamish. Ísraelsher hefur ítrekað beitt óhóflegu valdi á mótmælum, við húsleitir og handtökur í Nabi Saleh.


Síðan 2009 hafa aðgerðir ísraelskra stjórnvalda valdið dauða fjögurra einstaklinga (Mustafa Tamimi, Rushdie Tamimi, Izz al-Din Tamimi og Saba' Obaid) í þorpinu. Hundruð annarra hafa slasast, þar á meðal börn.

Ísraelsk stjórnvöld hafa einnig ítrekað lokað svæðinu og skilgreint það sem „lokað hersvæði“, sérstaklega þegar mótmæli fara fram. Þessar aðgerðir hafa meðal annars falið í sér vegalokanir og kröfu um að íbúar og gestir fari í gegnum eftirlitsstöðvar á leið sinni í og úr þorpinu. Margir þorpsbúar hafa greint frá aðkasti ísraelskra hermanna á eftirlitsstöðvunum. Herinn hefur ítrekað handtekið pólitíska aðgerðasinna og baráttufólk fyrir mannréttindum og framkvæmt skyndiárásir á næturnar í þorpinu. Stundum hafa börn verið handtekin og þau ásökuð um að kasta steinum í ísraelska hermenn.

Markmið aðgerða hersins í Nabi Saleh virðist vera að refsa öllum íbúum þorpsins, jafnvel þeim sem hafa engan virkan þátt tekið í baráttunni gegn ísraelsku herstjórninni. Hóprefsingar brjóta í bága við alþjóðalög og geta jafngilt stríðsglæpum.

Ísrael hefur fullgilt Barnasáttmála Sameinuðu þjóðanna og innan ísraelska þingsins starfar meira að segja sérstök nefnd sem á að tryggja innleiðingu sáttmálans. Hins vegar telja Ísraelar að þessi vernd nái ekki til palestínskra barna. Á meðan ísraelsk börn, þar á meðal börn sem búa í ólöglegri landtökubyggð á hinum hernumdu svæðum Palestínu, njóta þessarar verndar samkvæmt ísraelskum lögum gilda ísraelsk herlög um palestínsk börn (þar á meðal Jönnu). Þetta leiðir til mismununar gegn palestínskum börnum.



**DREIFIEFNI****GREINASPJÖLD UM RÉTTINDI BARNA****GREIN 13: FRELSI TIL AÐ DEILA HUGMYNDUM SÍNUM.**

Börn eiga rétt á því að deila með öðru fólki skoðunum sínum, vitneskju og hvernig þeim líður með því að tala, teikna eða tjá sig á annan hátt, svo lengi sem það hefur ekki skaðleg áhrif á annað fólk.

**GREIN 6: LÍF OG ÞROSKI.**

Öll börn eiga rétt á því að lifa og þroskast og skulu stjórnvöld tryggja það.

**GREIN 16: PERSÓNUVERND OG EINKALÍF.**

Öll börn eiga rétt á einkalífi. Lögin eiga að vernda einkalíf barna, fjölskyldur og heimili. Börn eiga líka rétt á því að samskipti þeirra við aðra, orðspor þeirra og fjölskyldna þeirra sé verndað með lögum.

**GREIN 27: NÆRING, FÖT OG ÖRUGGT HEIMILI.**

Börn eiga rétt á því að fá næringu, fatnað og öruggt heimili svo þau geti þroskast á sem bestan hátt. Stjórnvöld eiga að aðstoða fjölskyldur sem hafa ekki kost á því að veita börnum framangreint.

**GREIN 24: HEILSUVERND, VATN, MATUR, UMHVERFI.**

Börn eiga rétt á bestu heilbrigðisþjónustu sem völ er á, hreinu drykkjarvatni, hollum mat og hreinu og öruggu umhverfi. Allir eiga að fá upplýsingar um hvernig sé hægt að lifa öruggu og heilbrigðu lífi.

**GREIN 14: SKOÐANA- OG TRÚFRELSI.**


Börn eiga rétt á frjálsri hugsun og að velja sér trúarbrögð og eigin hugmyndir, svo lengi sem það hindrar ekki aðra í að njóta réttinda sinna. Í uppeldi geta foreldrar leiðbeint börnum sínum um hvernig megi nýta þessi réttindi að fullu.

**GREIN 31: HVÍLD, LEIKUR, MENNING OG LISTIR.**

Öll börn eiga rétt á hvíld, leik og að taka þátt í menningarlífi.

**GREIN 28: AÐGANGUR AÐ MENNTUN.**

Öll börn eiga rétt á menntun. Grunnmenntun á að vera ókeypis og öll börn eiga að hafa aðgang að framhaldsmenntun. Hvetja á börn til þess að mennta sig. Aldrei má beita barn ofbeldi eða niðurlægja það, svo sem vegna brota á skólareglum.



## DREIFIEFNI

## DAGLEGAR ATHAFNIR

ÉG NOTA SAMFÉLAGSMÍÐLA OG SEGI  
MÍNAR SKOÐANIR Á HINUM ÝMSU  
MÁLEFNUM

ÉG GET FARIÐ UM BÆINN MINN FRJÁLS  
OG ÁN ÞESS AÐ ÓTTAST UM LÍF MITT

ÉG ÞARF EKKI AÐ DEILA MÍNU EINKALÍFI  
MEÐ KENNARA MÍNUM

ÉG Á ÖRUGGT HEIMILI

ÉG GET LEITAÐ TIL LÆKNIS ÞEGAR ÉG  
VEIKIST

ÉG GET DEILT LÍFSSKOÐUNUM MÍNUM  
FRJÁLSLEGA

ÉG LEIK MÉR VIÐ VINI MÍNA

ÉG GET FARIÐ Í SKÓLA OG LÆRT



## DREIFIEFNI

## SAGA JÖNNU JIHAD

Janna Jihad vill aðeins eiga venjulega barnæsku. „Eins og hvert annað barn vil ég geta spilað fótbolta með vinum mínum án þess að tárugasbrúsum rigni yfir okkur,“ segir hún. Janna Jihad er 15 ára gömul og býr á Vesturbakkanum, sem er hernuminn af Ísrael. Lífið þar er langt frá því að vera venjulegt. Palestínsk börn og palestínsk samfélag, þar á meðal Janna og fólkið í þorpinu hennar, Nabi Saleh, sæta kerfisbundinni mismunun.

Ísraelski herinn handtekur börn í þorpinu hennar reglulega. Algengt er að herinn ráðist inn á heimili um miðjar nætur þegar fjölskyldur sofa. Börn eiga erfitt með að ganga í skóla og fara um svæðið því ísraelski herinn hindrar að fólk geti nýtt ferðafrelsi sitt. Tálmar og eftirlitsstöðvar valda því að leiðin í skólann lengist úr nokkrum mínútum í klukkustundir. Fólk á erfitt með að komast til vinnu og afla tekna til að framfleyta fjölskyldu sinni. Fyrir þá sem veikjast er næstum ómögulegt að komast á sjúkrahús.

Árið 2009, þegar Janna var þriggja ára, hóf nærsamfélag hennar að nýta rétt sinn til friðsamlegra mótmæla og skipulagði vikuleg mótmæli gegn landtöku Ísraelshers. Fólk mætti ofbeldi hersins. Janna var sjö ára þegar ísraelski herinn myrti frænda hennar. Í kjölfarið ákvað hún að nota síma móður sinnar til að taka upp og sýna heiminum grimmilega mismunun sem samfélag hennar þarf að þola af hálfu ísraelska hersins. Janna var meðal þeirra allra yngstu til að fá fréttamannapassa, aðeins 13 ára gömul, og fjallar um þá kúgun sem Palestínubúar hafa mátt þola af hálfu ísraelska hersins.

Hún hefur meðal annars fjallað um skyndiárásir að næturlagi, niðurrif heimila og skóla ásamt eyðileggingu samfélaga sem barist hafa fyrir réttindum sínum. Palestínsk börn þjást sérstaklega. Mörg þeirra hafa verið myrt eða særð af hálfu ísraelska hersins. Ísrael hefur skrifað undir Barnasáttmálann en þrátt fyrir það hafa ísraelsk stjórnvöld ekki verndað palestínsk börn á Vesturbakkanum. Ísraelsk börn njóta aftur á móti verndar, jafnvel þau sem búa á ólöglegum landtökusvæðum nálægt heimaslóðum Jönnu.

Janna hefur verið áreitt og fengið líflátshótanir fyrir það að stunda heiðarlega fréttamennsku. Hún gefst þó ekki upp.

*„Ég vil vita hvernig það er að búa við frelsi í heimalandi mínu og hvernig það er að búa við réttlæti, frið og jafnrétti án kerfisbundinnar mismununar,“ segir Janna.*

© Tanya Habjouqa/NOOR



© Tanya Habjouqa/NOOR



© Tanya Habjouqa/NOOR



Efst: Janna í þorpinu sínu, Nabi Saleh. Miðja: Janna hjálpar móður sinni að útbúa te og snarl fyrir gesti. Neðst: Frændi Jönnu leikur sér með táragas- og skoðhylki sem ísraelski herinn hefur skilið eftir.



## BRÉFSÝNISHORN

### JANNA JIHAD – HIN HERNUMDU SVÆÐI PALESTÍNU

Chair, Committee for the Rights of the Child,  
The Knesset,  
Committee for the Rights of the Child,  
Kiryat Ben Gurion,  
Jerusalem,  
Israel 9195016.

Dear member of Knesset,

Janna Jihad just wants a normal childhood. But the 15-year-old lives in the Israeli-occupied West Bank, where systematic discrimination and oppression are the norm. Having seen her own uncle killed by the Israeli military, Janna has been thrust into the world of citizen journalism, documenting, and exposing the Israeli army's oppressive and often deadly treatment of Palestinians, including children. Israel has signed up to the Convention on the Rights of the Child, yet doesn't extend those protections to Palestinian children in the Occupied Palestinian Territories.

Today, Janna's principled journalism has marked her out for harassment and death threats. I call on you to end discrimination against Janna, and to meet your obligations under the Convention by protecting her and other Palestinian children from harm.

Yours sincerely

# UM AMNESTY INTERNATIONAL

Amnesty International er alþjóðleg hreyfing yfir 10 milljón einstaklinga sem telja að allt óréttlæti komi þeim við. Við berjumst fyrir heimi þar sem allar manneskjur fá að njóta mannréttinda sinna.

Við rannsökum atburði og segjum frá því sem gerist, hvar og hvenær sem mannréttindabrot eiga sér stað. Við beitum yfirvöld, áhrifamikla aðila og fyrirtæki þrýstingi og reynum að tryggja að þessir aðilar standi við gefin fyrirheit og virði alþjóðalög. Með því að miðla áhrifamiklum reynslusögum fólksins sem við vinnum með virkjum við milljónir stuðningsfólks okkar um heim allan til að berjast fyrir breytingum og koma aðgerðasinnnum í framlínunni til hjálpar. Við styðjum fólk til að leita réttar síns með fræðslu og þjálfun.

Með starfi okkar verndum við fólk og valdeflum það til að berjast fyrir ýmsum málefnum, þar á meðal afnámi dauðarefsingar, fyrir kyn- og frjósémisréttindum, gegn mismunun og réttindum flóttafólks og farandfólks. Við berjumst fyrir því að aðilar sem beita pyndingum verði dregnir fyrir dóm. Við beitum okkur fyrir því að fá lögum sem stuðla að kúgun breytt og við berjumst fyrir frelsi fólks sem hefur verið fangelsað fyrir það eitt að tjá skoðun sína. Við tökum málstað allra sem búa við skert frelsi eða mannvirðingu óháð uppruna.

AMNESTY  
INTERNATIONAL  
ÍSLANDSDEILD AMNESTY  
INTERNATIONAL  
Þingholtsstræti 27  
101 Reykjavík  
Ísland  
Október 2021

Netfang:  
amnesty@amnesty.is  
Sími: 5117900  
[www.amnesty.is](http://www.amnesty.is)  
Allar myndir eru eign  
©Amnesty International  
nema annað sé tekið fram.

